



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社



清代詩文集彙編 五二八

內自訟齋詩鈔八卷 周凱撰

一

內自訟齋文集十卷 周凱撰

六七

萬松山房詩鈔五卷首一卷 潘正亨撰

三三五

綠野齋前後合集六卷綠野齋制藝一卷綠野齋太湖詩草一卷 劉鴻翱撰

三八五

# 內自訟齋詩集

## 內自訟齋詩集序

自古詩有三家有文人之詩昌黎是也有才子之詩龍標昌谷是也有詩人之詩少陵香山是也三家之詩於三百篇爲近蓋詩以道性情性情之至者不以文贍不以才肆一種溫厚和平之意自然流露於本色之中使人讀之而有以知其用情之肫摯制行之端方忤然心動而肅然起容孟子言尚友古人而本於誦其詩論其世以知其人詩可以不作乎哉詩之作與不作必係乎文與才之有無乎哉昔人嘗論昌黎南山詩可以不作少陵北征詩則不可不作若香山新樂府亦不可不作之例也詩有關係則合乎太史觀風之義宗乎三百篇

## 內自訟齋詩集

序

以言詩則知詩之去取在此而不在彼矣瀚中詩人文足以黼黻太平才足以驅使萬物往往見之於集使人望而驚嘆者有之求足以感發人之志意亶亶焉有不能自己於此者則未之有也乃今於芸皋觀察之襄陽集而得之矣其肫肫於君親朋友之間拳拳於土俗民風之際讀其詩可以觀倫焉可以觀政焉此卽今之工部長慶集也觀察其今之古人歟因其乞言於余余故不揣媿陋而爲之序未知觀察將以余言爲何如也未知讀觀察之集者又將以余言爲何如也

道光八年戊子三月望後二日崑山王學浩撰

序

古者太師陳詩以觀民風凡習尚之淳澆人心之好惡與夫川陸所產土地所宜皆於歌謠見之蓋所以通民情考政令也其詩有作於下亦有作於上者十五國風備載焉凱少侍先大夫習為吟詠後忝職詞垣官京師者十年又得聞諸前輩緒論知作詩之旨不可偽為道光壬午奉

命出守襄陽方城漢水古稱雄鎮自顧軀材膺茲劇任寸心凜凜夙夜惟不稱職是懼遑敢吟弄風月坐廢公事上負

朝廷恩下失士民望且蒞任初年智竭簿書非惟不敢

內自訟齋詩鈔

卷一序

亦不暇然而數載之間耳目所見聞途路所經歷民風習俗所宜因革山川名物所宜考訂未嘗不稽之於古証之於今託之篇章記以歲月夫事有可以宣揚聖化導達民隱者足使聞者欣然從戒竊謂詩歌之用未始不勝於文告如次山春陵行香山秦中吟後世讀之猶惻然有動於心況當時士庶乎虞書六府三事終勤之以九歌禮曰言之不足故長言之長言之不足故嗟歎之詩歌者通上下之情而亦以助政令之用者也凱學殖荒落從政不遑守襄四載深愧興除之無術教養之未周即有所作聊以紀事述懷何敢自比於古人顧情之所發不能自已且欲備陳詩者之採擇未

忍遽棄因鈔錄成帙及與士子唱和友朋酬答皆彙為一集凡八卷今承

恩命觀察齊安迴憶峴首鹿門又成鴻迹每一展卷心為愴然爰付劖劂氏以質常世大雅君子

道光丙戌十二月富春周凱芸泉甫自序於黃州不足半畝園

內自訟齋詩鈔

卷一序

此處為空白區域

內自訟齋詩鈔目錄

襄陽集卷一 古今體詩四十三首 癸未作

初到襄陽感

恩述懷敬成四律

程春海同年視學黔中過襄陽以詩見贈次韻三首

奉母太恭人與程太夫人遊隆中同春海學使作

襄陽詠古八首

題勞竹隱先生 志莘 遺詩

題汪玉屏 坤 詩稿

冠蓋里 易上子也

內自訟齋詩鈔 卷十目錄

躬耕樂 勉農夫也

大隄花 勸婦女也

裏氈裘 警惡少也

題唐楷之叅軍 其豫 小影三首

題錢一齋 同曾 臭蘭小影

題王丈椒畦 學浩 湖亭結夏圖

偶詠三首

題朱澹圃女夫 元變 習馬圖

喜兒 峴生

易梧岡夫子之平遠州任道經襄陽贈詩敬謝二

十二韻

內自訟齋詩鈔

讀習鑿齒漢晉春秋

雪中會巡四峯山

東鄭雪堂秦戎 國鴻

戲題襄陽尉沈瘦梅 樓 小照二首

題汪蕉石 國能 柳陰垂釣圖二首

李竹醉夫子皖中書來賦此誌感二首

小除夕策騎過樊侯廟

內自訟齋詩鈔 卷十一目錄

丙自訟齋詩鈔

富陽 周凱 仲禮

襄陽集 癸未

初到襄陽感

恩述懷敬成四律

十載

清班賦末工姓名愧列

御屏中

龍樓拜接

天顏喜驪唱歌聞日下同修史憶披循吏傳矢心不改

秀才風蒙 恩召對 上諭 居官須不改秀才本色雙旌五馬衛

丙自訟齋詩鈔 卷一

新命一路縈懷到漢東

膝下相違已五年倚閭人遠望南天楹書抱讀悲平仲

春草槍懷夢惠連季弟 報 初卒

國文章慈訓重侍親漪瀾婦功賢一家今日團圍坐差

喜同登江上船

一行鴻鴈感離羣謂叔 諸從弟回首青山隔富春邱壟松楸

須好護簡書風雪敢辭辛不歌鴛羽欣將母特撫羊碑

憶活民半壁東南肩重任上游曾與指迷津大府李鹿 奉先生有

襄樊民氣問如何七子才名矯矯多襄陽府 威已 伏足下之語

朝廷誅側貳勤期草野事蠶禾布衣好訪隆中隱高岸

能迴漢水波約譜

清時新樂府銅鞮歡唱太平歌

程春海同年視學黔中過襄陽以詩見贈次韻

輶車快靚玉堂人舊雨重逢正暮春作吏我方慙撫字

持衡君自喻甘辛十年輦下稱知已一夜尊前感夙因

寵辱兩忘雙進酒壽萱慈竹話津津時春海奉太夫人 南行母太恭人留

得甚歡

回首觚稜隔鳳城南齋東觀共清聲星羅秋宇聯奎壁

雨勸春耕靖甲兵敢以廉明矜素志好將鑑別答羣情

民風士習原相倚黽勉三年待有成

且蘭風會最難齊大雅扶輪擅品題鳳甸送君掄玉尺

丙自訟齋詩鈔 卷一

鹿門留客聽銅鞮花移繡轂紅雙蒂方新 娶婦 草襯安輿綠

四蹄一路藝林翹首望文星朗耀夜郎西

附原作 歛縣 程恩澤 春海

飲我醇醪有故人曉來眉頰暖生春天涯拜母同歡

笑雨道驅車倍苦辛懷抱各儲無限語遭逢運似未

來因試看絡繹馳童僕君夢先過夏水津

北通宛洛屹堅城南下江淮日夜聲地險氣剛宜弭

盜年豐食足可肥兵聞諸道路誇謙敏想見詩書礪

性情門勝善人君大孝君祖誠齋公純孝 至善風行里閭化將梟獍

哺生成

畫師詞客古難齊君擅雙長妙品題紅袖能揮青玉

管蒼生解唱白銅鞮相尋往跡多鴻爪博得狂歌送  
馬蹄蓋世勛名一杯酒紛紛都在岷山西

奉母太恭人與程太夫人游隆中同春海學使作

襄陽山川險且奇南北關鍵天限之古來戰守爭驅馳  
治忽天下係安危我今一麾來守茲將母載歌翻翩翩  
欲訪耆舊問前規卧龍先生真吾師草廬尙存三尺基  
隆中山色如修眉願奉板輿春風吹其奈勞勞案牘披  
玉堂仙人使節持轡軒過楚臨江湄天涯聚首樂不支  
安車更羨迎護帷高堂喜我有母慈摠衣互拜禮亦宜  
與君同譜猶墟麓兩太母親如兩兒謂君行役我職羈  
修途暫請停旌旗武侯大節久繫思曷勿共駕南山陲  
丙自訟齋詩鈔卷一

卷一

三

時惟孟夏草木滋平疇雨足明朝曦起居仰窺顏色怡  
扶輪笑顧我與而錦鞬出郭行遲遲卅里已至丞相祠  
祠前古柏蟠虬枝井中碧水含清漪高吟梁父昔在斯  
抱膝想見侯丰姿側聞君昨下峨眉曾讀杜陵祠堂詩  
定軍山前拜豐碑獨探八陣窮耦奇何如此游晉酒厄  
宜城春釀甘如飴侍食母側肩相隨宛如侯見龐公時  
不辨賓主知爲誰試陳一言醉勿警入生忠孝期無虧  
如侯出處伴呂伊鞠躬盡瘁二表遺惜哉炎漢運祚衰  
至今讀之空漣而君方與我際

重熙少年已得組綬縻小草誓作傾陽葵况依慈竹春  
猗猗送君此去休歌驪襄樊與黔聯康達便便王道無

險巖早鎔劍戟爲鏃鉞寶萎遠護文昌移使星朗朗照  
不疲文章有神風教維歸來

雨露應先施丈夫讀書學何爲聖賢所勗在倫彞服官  
力求酬

主知清白共寶榮名垂其時欲遂烏鳥私未妨陳情踈  
彤墀承歡倘有菽水貲茲山大好容茅茨種桑八百田  
可治南陽豈厭躬耕卑奉母百歲矢勿離借君試效綵  
舞嬉奉觴齊獻鹿門芝

附同作

隆中草廬在襄陽府城西北三十餘里諸葛忠武  
舊宅也道光三年孟夏澤奉使人黔道出襄陽太

丙自訟齋詩鈔卷一

四

守周芸皋同年以太夫人命訂我母太夫人同游  
而太守與澤侍焉因置酒舉宴慈顏極歡歸途作  
此紀事

武侯昔友麗山民因與龐家爲懿親龐公乃是丈人  
行置酒內宴如荀陳瑯琊布衣作流寓不求聞達躬  
劬辛心希孔顏慕伊呂欲以忠孝維人倫北眺宛洛  
殊風塵南下江淮多要津亦知荆益彈丸耳其奈魚  
水逢君臣隆中數言小天下龍德遂與風雲伸三分  
鼎足兩朝業早有計畫通鬼神我昔走馬錦城側祠  
廡俎豆瞻莘莘又過定軍峴八陣九拜墓下披荆榛  
今來隆中憶潛鱗山氣阻深蒼翠縠田間之水原上



草曾見大耳邀綸巾廣元公威敷遷往沔南淑人來  
 作嬪避暑臺畔森檜柏蕭然梁甫聞吟呻黔陽使者  
 歌侏侏襄陽使君卜佳辰夫人城中奉太母與我板  
 輿聯一茵兩太夫人舉筋食太守與我垂厥神慈顏  
 和憐子弟飲迎陵粥粥依松筠因思我侯智且仁三  
 代以下無比鄰求之交好欵曲虛聖賢原不殊凡人  
 日暮懷古發遐想風吹漢水波鄰鄰葡萄醕醉縉頂  
 饌醉我一斗宜城春醉來不敢窺井照恐有鬢鬢排  
 天闕

襄陽詠古觀風樓作

宋玉宅

內自訟齋詩鈔

卷一

五

江陵安陸總非真鄂縣城南弔楚臣異代園亭居庾信  
 當年詞賦繼靈均雄風向入疎櫺夜文杏空開斷壁春  
 一世風騷歸寂寞欲尋故宅問東隣

杜康臺

逃祿餘生隱酒家故侯零落亦堪嗟犢禪不礙身親著  
 諫鼓曾經手屢撻每憶擲囊傷往事聊資浮蟻作生涯  
 荒臺千古宜城在尚有青帘駐客車

仲宣樓

高樓城西最上頭春風人說仲宣樓雄才未試空之楚  
 亂世無歸強附劉旅夢吹殘城角曉鄉心望斷漢江秋  
 憑欄莫羨登高賦報主終慙第一流

景升臺

霸業雄圖一旦灰景升空自有高臺徒憐少子非長策  
 不顧宗盟失大才逐鹿坐觀天下亂呼鷹遙望日邊來  
 名稱八俊終何濟臨眺頻停濁酒杯

諸葛廬

吳魏荒涼蜀亦墟卧龍鼎鼎一茅廬乾坤不改三分後  
 風雨長呵百代餘海內才高難匹鳳堂前夢覺忽逢魚  
 倘教未遂伊周志抱膝閒吟總自如

夫人城

三楚名城列漢濱崇墉別自號夫人何殊娘子軍谷肅  
 不假胥靡版築新功並峴碑扶弱晉威先泚水走強秦

內自訟齋詩鈔

卷一

六

八公山下呼軍日須信當年母教親泚水之戰朱序在  
苻堅軍呼曰秦師  
敗矣晉兵遂大破  
之功不在謝安下

高陽池

高陽池館幾時開記得山公日日來不是名流偏愛酒  
 但逢勝地且徘徊徐林習氏多賢主侍從并州有將才  
 楊柳芙蓉何處是釣魚臺畔幾徘徊

杜甫岡

少陵詩思最清華十里平岡繞漢斜滿眼干戈悲故里  
 關心弟妹在天涯江山幾度歌迴棹風月千篇著浣花  
 嘆息未陽歸未得傳訛猶有姓名誇土人訛稱  
豆腐岡

題勞竹隱先生志莘遺詩

詩律清且嚴詩境幽以獨宛如山中行緩步入脩竹又似籬落間霜豔見秋菊得非孟東野與子相追逐貽編就令君時先生之子方泉在襄陽郡署月下幾回讀

題汪玉屏坤詩稿

溟漚四子君其一演楚半生老此才好句每從竒境得多情肯為故人來時就均州牧胡左君幕鬢髯如畫添霜雪咳唾成珠挾雨雷貽我一編蒲艾節石榴花下笑銜杯

冠蓋里場土子也

峴山南接羅川水華蓋朱軒連迤邐經明行修重漢科中多卿士及刺史荊州行部嘆羨之豐碑大書冠蓋里忠孝芳名重筆留節義崇坊行路指英雄已記王仲宣

內自訟齋詩鈔卷一

耆舊又傳習鑿齒我

朝聲教邁前朝入學莘莘歌胄子襄陽文章淵數稱休說今難往古比願修爾行明爾經讀書豈為科名起科名之貴亦在人大端忠孝節義耳不須攻錯借他山以古為鑒鑿桑梓君不見冠蓋里

躬耕樂勉農夫也

聲聲布穀催東作桃花李花滿邨落勸耕一路吹爾籥願爾年年稼冬穫天有旱與潦爾但謹溝壑地有瘠與肥爾但勤錢鏹襄陽地多沙磧少塘堰之蓄水早聽之於天昨日輸官糧今日糶新穀花豬美村酒熟兒童放學笑驅犢五風十雨歲不惡

堯舜在上樂耕鑿隆中之人甘淡泊

大隄花勸婦女也

大隄花映女兒肉女兒顏色美如玉襄陽估客來女兒競絲竹朝樂銅鞮舞暮歌銅鞮曲銅鞮不歌亦不舞大隄寂寞今非古女兒把鋤犁日墾山頭土襄陽婦女冬種無器西風瑟瑟吹衣裳割麥插禾年復荒箱無寸縷絲屋無升斗糧日望大隄空斷腸胡不分種南陽桑

裹瓊裘警惡少也

裹瓊裘持戈矛白日入市尋仇讎爾乃陷仇胷仇刃斷爾頭相殺無已怨無休官欲貸爾死爾生不可求法網本寬嗟自投罅蚍知朝夕螻蛄知春秋爾不惜身徒爾

內自訟齋詩鈔卷一

憂曷不披蓑戴笠脫爾裘賣刀買犢歸田疇

題唐楷之參軍其豫小影

玉山佳處最風流別却烟波賦楚游甘載思歸歸未得夢中時欲弄扁舟鹿門歸隱有龐公作客情懷迥不同每憶四賢堂畔路荻花如雪蓼花紅

遙望慈雲駐絳霄歸帆天際盼迢迢從今載向秋風去

添得堯章一闕簫時新納姬

題錢一齋同會臭蘭小影

平生把臂交難得同心臭屈指眼前歡惟君交最舊嬉戲富春渚君年較我幼角簪珥環翠竹碧梧秀讀書

半埜堂

謂君師吳聰穎驚神授旋從昭諫遊

文章工刺繡朝登鶴山巔暮坐龜川右

月碧波皺遊釣共一區此樂不可復比長各有營落落

四方走君探鄧尉梅我聽拾遺漏聚散如萍蓬相思仰

斗宿憶君閩海歸曾我薊門覲君謂我鬢霜我羨君年

富君如堯寶肥我向休文瘦把盞相綱繆歡話忘昏晝

一別又五年出為南雍守吳門訪故人惠然肯我就攜

手同登舟帆檣共馳驟此地足勾留膠漆情孔厚懷古

入隆中尋幽臨峴首每於紅蠟炮互以綠蟻侑繪圖記

同心獨持蘭蕙艷得無臭味殊蒼茫叩宇宙君醉索我

題我醉為君壽放言作長句一笑納君袖試問嚴灘雲

內自訟齋詩鈔卷一

撈蝦何日又

題王丈椒畦學浩湖亭結夏圖

湖亭六月臨湖開一湖清淺無纖埃幽人散髮中徘徊

東望吳淞雪浪堆綠浸葡萄新醖醅渚花汀草媚林隈

鳴榔遠近聲相催日夕風生明月來有汗不用蚊不雷

湖亭之樂樂且諧椒翁蘸筆亦快哉樹木陰翳山崔嵬

數間老屋倚古槐泉聲瀲灩驚濤摧公望而後無此才

點染不辜龍麝煤題詩卷末見新裁沁人心脾如嚼梅

我今一官呼鷹臺簿書鞅掌親輿僮作畫難得稱意苔

賦詩枉費無限杯洪鑪鼓橐煽飛灰一身渺小鑪中賸

安得從君翦草萊種秫十畝富酒材長夏載酒相追陪

偶詠

墻陰短短擬新篁貼地蒲英到處黃嫩綠一簾春晝寂

古楸花發亦聞香

日長漸覺放衙遲掃却煙雲坐片時好鳥一聲啼上樹

落花滿院少人知

自煮新茶碧滿卮乳泉活水擔來遲楸花落盡拖長莢

倒挂濃陰千萬絲

題朱澹圃女夫元雙習馬圖

少年騎馬如游龍豈肯閉置若新婦爾今年少意氣豪

繪圖亦頗矜抱負我憐爾志愛爾才會以弱女奉箕箒

願爾胸讀萬卷書高掇巍科拖紫綬春風得意賦歸來

內自訟齋詩鈔卷一

一鞭紅杏花中走不然請纓若終軍封侯萬里功不朽

腰間白鐵朗於雪肘後黃金大如斗彎弓挾矢跨烏騅

不負閩中盼楊柳況今騎射

國法尊豈肯低頭事吹歌人生有願終當償不如意事

亦八九我雖五馬出黃堂德不及民顏孔厚

君恩頂戴重邱山板輿迎來漢江口蕭蕭白髮頗憶家

不若田園樂且久可知努力須及時甘旨之奉唯恐後

今年少意氣豪從此精神倍抖擻長安急著祖生鞭

博得斗猪奉爾母

喜兒 祝生

添得含飴樂高堂笑語寧人皆誇楚產我說是吳蒙白

雪殊而父青箱守阿翁他年臨此郡生憶岷山東

易梧岡夫子之平遠州任道經襄陽贈詩敬謝二

十二韻

海內論知已文章感我師鯨鯢吹浪日鷗鷺厲秋時暗

入珊瑚網高攀桂樹枝幸逢雲乍睹久照鏡忘疲夫子

賦闕成辰西粵聲蜚早南宮試不遲襟懷天曠遠吟嘯

月臨窺潘縣桃花種并州竹馬騎憐才邀白甫詩人

化俗樂黃義滄海潮曾聽明湖舫亦移三年留畫像昌

士民為夫子立合調譜笙詩日下魚傳信江邊雁寄思

生兩名粵賢祠精神通感召杖履忽相期春雨黔陽路

寄書相勗西風漢水旗情猶瞻馬帳蹟共撫羊碑喜誦飛仙句重

內自訟齋詩鈔卷一

衙問字厄民親惟守牧 帝簡俾驅馳九騰欽慈訓盟心報

主知但勤公匪懈詎忍祿虛糜政令兼寬猛所求驗怨

咨時凱主政尚猛之說夫人原叨孔鑄事敢忘蕭規惻

惻念長道依依悵別離從來忠孝志不負話臨歧

讀習鑿齒漢晉春秋

想見當時著作才遺編恰伴掌中杯三長論史臣心折

五馬浮江帝業哀耆舊風流今孰繼園林春好我應來

雪中會巡四峯山

我聞有備無患兵乃設縱使時平慮倉猝况復楚豫接

犬牙廿年前憶誅徵側大府關心足遠謀

朝廷德意宜宣說余時襄陽赴均陽北風吹面面欲裂

漢江之上帆影孤萬山之巔鳥飛絕石滑地凍馬不驕

手皸鬚結囊不熱偶逢野老獻壺漿笑喚役夫共鋪暖

溫如挾纊語撫循冷蹙堅冰怕顛蹶歷三晝夜入中州

忽見遙空一峯凸石險嶺峭路曲盤樹怪藤枯澗鳴咽

寺古豈無鸞鳳棲洞深恐有豺狼穴太守廖君雲錦參

戎柯蒙額肝膽同余氣蓬勃恍遇仙人羣玉山山山踏

遍朦朧月銀海光搖眩雪花金鏗響震驚林鶻風掣紅

旗凍亦翻鞭麾白馬汗猶血赤土今看稼穡犁白蓮早

已鯨鯢滅父老朝來謁長官譬比家人語瑣屑指與青

內自訟齋詩鈔卷一

青麥脚看爾但勤耕我心悅此行不為看山來為爾山

居助草竊吁嗟乎昔聞浩然灑橋東衝寒笑把梅花折

又聞東坡聚星堂白戰詩成不持鐵吾身勞逸雖不侔

眼界空明同一轍揖別羣公旌旆飛馬頭回望四峯雪

君雖服戎服道乃儒者儒淹博貫經史名理析程朱尤

精坤乾學消息探河圖精之通鬼神擴之塞牟盧清言

陋王弼篤學伴商瞿我欣得畏友君豈徒武夫昨從筑

陽歸今得筑陽書草竊弭奸宄君為我先驅時光化穀

有糾眾掠人勒贖者雖已縛醜類尤當絕根株君言亦

良是我意差有殊顧念虫虫者賦性同厥初一自失耕



擣飢寒陷其軀始猶知廉耻漸乃入穿窬小慾心不誠  
壯往膽日麤比匪糾臬馭伏莽聚荏苒養癰成遺患此  
實官之瘡吾當威以法而復破其愚巨刺殺無赦宥彼  
脅從徒服者嘉折首悔者憫噬膚但令知遷改未可肆  
駢誅好生天心洽祥刑

國法紆童牛早繫角豨豕敢負塗焚棄若遽加無乃嗟  
突如君言得政要我意求民藉同官為僚友功罪兩不  
論心已合兌澤言豈慮睽孤我今占受益君其卜嘉孚  
賦題襄陽尉沈瘦梅檉小照

峴雲漢水兩悠然落拓巖官二十年若計中書書上考  
早應晉秩佩貂蟬瘦梅加級十八次皆以他事註抵

內自訟齋詩鈔卷一

自拂長髯笑口開中年意氣未全灰一枝秃筆三升酒  
不唱于思棄復來多撥善錄書在襄尉十餘年未逢更調

題汪蔗石園能柳陰垂釣圖

撇却西湖到漢濱一枝柔管一年春何當沽酒孤山下

楊柳風中理釣綸

大袖猶衣杏子衫德温風骨自巖巖此間亦有忘筌趣

縮頭魚多且放鱗

李竹醉夫子皖中書來驢此誌感

雲外書來托皖公如親笑語坐春風球民遠贈籠中藥  
知已真憐爨下桐妙墨數行珍北海瓣香千古拜南豐  
遙看大白樓頭月夜夜清光照漢東

銅陽上谷謳歌循循吏聲華達

帝居早著威名驚草木更傳良策治河渠白華養志推  
純孝青史論才愛讀書弟子步趨終莫及取忘一字一  
璠來書有前十年竹醉之治陳州後十年芸  
璠之治襄陽遙遙相對志同道合之語

小除夕策騎過樊侯廟

雪花如掌迷江路烟荒遠失峴山樹一鞭走馬夜巡來  
臘鼓琴琴歲云暮差喜寒冬波浪平闕闕已免荏苒驚  
大輻渡人復渡馬殘宵燈火明樊城樊城憶昔樊侯築  
南接荆襄北宛洛同朝申甫作周翰四國蕃宣中興卜  
保身明哲老藩封此地千年舊湯沐吁嗟乎我亦承  
恩來守此風夜惟思報

內自訟齋詩鈔卷一

天子小心翼翼師我侯匪懈從公普江水我侯令德誰  
能舉剛亦不吐柔不如詩書世澤守雲礽襄陽樊姓父皆侯裔  
老馨香報樽俎風雲漠漠護芳祠又見殘年報賽時忍  
寒瞻拜不忍去馬頭還誦烝民詩

內自訟齋詩鈔目錄

襄陽集卷二 古今體詩六十一首

種桑十二詠 并序

飼蠶十二詠 并序

奉和吳荷屋前輩諸葛武侯祠原韻

寄祝潘雲浦太夫子八十壽四首

李篆卿學使 浩 按試襄陽適改築校士館成賦詩

誌美依韻謝之二首

紀風 六月二十日夜

紀水 七月十三日

送家補之三兄太守 廷授 入覲三首

內自訟齋詩鈔 卷一 目錄

閏七夕集同人小飲二首

送張竹川孝廉 觀光 之筑陽用七夕韻二首

題竹川乘風破浪圖

同人餞家藕田 鳴岐 於陳氏園亭

餞黃仙嶠庶常士 蕪 入都用前韻

中秋夜登署東譙樓玩月二首

策騎至延慶寺看桂花遊棲霞洞飯於張公祠登

峴首而歸得詩四律

重九日遇雨半舫齋小飲用杜工部韻

澹圃置酒看菊仍用前韻

喜王香雪至二首

朱彥甫孝廉 俊 睡心室成寄示後記并詩因次韻

落之

和張竹川歸杭州留別韻兼懷同社二首

射鵰子

題王梁園茂才 丹榮 翰墨因緣畫冊

題王芝香茂才 士標 客裏家山圖次詹湘亭明府

應甲 韻

題馬鈍菴丈 元承 汗遊草

偶吟

內自訟齋詩鈔 卷二 目錄

內自訟齋詩鈔

富陽 周 凱 仲禮

襄陽集 甲申

種桑十二詠 并序

余自荆之遠安購小桑八百餘株種之大隄之上皆柔桑也移栽未善活者十之七蒞之老農得栽種法又考襄陽本有桑葉尖小而缺有刺性堅不宜蠶居民以桑為界取其易生長即伐之即飼蠶得繭僅堪為帛售諸豫人以為綿綢其桑蓋荆桑類也按農書荆桑薄而尖枝榦條葉堅勁魯桑圓厚多津枝榦條葉豐腴荆桑心實可為樹能久遠當以魯桑枝接之

內自訟齋詩鈔 卷二

則久遠而又盛茂也農書又載壓條法齊民要術及汜勝之書載種甚法余浙人浙軍蠶桑解種桑法不能家喻戶曉商之諸牧令謂非文告所能悉因思士為四民之首耕讀相兼者多士為之倡民必從之遂託之吟咏分十二題各繫四十言幸襄之能文者廣為傳述之

種菘

齊民要術收菘之黑者翦去兩頭惟取中間一截蓋兩頭子差細種則成雜桑花桑中間一截其子堅栗枝條強茂而葉肥厚將種之時先以柴灰掩揀次日水淘去輕祗不實者曬令稍乾

種乃易生又汜勝之書五月取椹著水中濯灑取子陰乾之肥田十畝荒久不耕者善好耕治之黍也大麥與稭子各三升三合和種之黍桑俱生鋤之令稀疎適黍熟穫之桑生正與黍高下平因以利鎌歷地刈之曝令燥放火焚之桑至來春生一畝可食三箔蠶此吾鄉種條桑法也君無棄桑甚桑甚干黃金今年下子明年桑成陰南風五月來子又垂桑林鳴鳩亦解意拂羽弄好音

壓條

八九月間擇桑枝之柔大者攀至地壓以土即生根就生根處截斷移栽他處一枝可壓數株

內自訟齋詩鈔 卷二

傳轉無窮壓條者不接枝

涼秋八九月絲已織成衣門前有桑樹枝大葉復稀攀枝壓土中土肥根亦肥移根植墻下春來蔭幾圍

接枝

菘之所生其葉多薄俟幹大如指臂翦取大葉桑枝條接之自茂盛襄人果木皆用接法可類

推

鬻杏可接桃鬻艾可接菊以桑接桑枝一氣斷復續既非寄生者奚符類我祝所以同根生慎哉念鞠鬻

移栽

桑如指臂大小皆可移栽種樹書云下埋龜甲

盛茂不蛀或用黍亦可先掘地成坎貯以水攪成泥漿務令濃厚然後移桑栽之根令舒暢上用土培厚築使堅實可不必日日澆漑名坐漿種法襄人植果木皆如之

兒童學種瓜時復旁桑陰呼童移小枝枝小力易任培土不厭厚掘坎不厭深切勿傷根株其木自森森

壅灌

冬月就桑根掘坎實以糞加土壅之五六月旱宜灌水

九月築場圃十月納禾稼衰稷桑樹間老農有餘暇肥土壅其根築以白木杷笑顧道旁泉烈日不畏夏

內自訟齋詩鈔

卷二

采摘

采桑宜摘葉不可攀折枝條

昔有秦氏女其名曰羅敷微行遵南陌攜筐伴小姑采采念蠶飢不惜手拮据婦人重節烈羞見魯秋胡

去初葉

初發葉爲初桑倘飼蠶不盡當去之否恐明春無力次發爲二桑不須去

春來雨水勻桑葉大且圓采之飼我蠶蠶飽已成眠蠶眠葉自稀葉葉不論錢去之留餘力長養待來年

伐遠條

桑條之遠出而細長者宜伐去俟明春另長嫩

條否恐成雞桑幽風取彼斧斨以伐遠揚是也亦宜相度其勢可留爲壓條用

忽聞翦翦聲出自纖纖手梯影亂斜陽伐條去其醜譬彼護良苗先在除根莠慎無攀折之不比道旁柳

禁再采

初桑葉肥嫩可飼蠶二桑葉澀飼蠶作絲僅可爲絃周禮禁原蠶蠶與馬同象再蠶恐妨馬

隰桑葉有雛童童望如蓋云是采後生飼蠶亦何害無乃味苦澀吐絲恐不類况復蠶與馬應星不兩大

收霜葉

葉經霜而落收之以饗羊甚肥兼可治目疾

內自訟齋詩鈔

卷二

剔枯皮

枯桑知天風風多氣已寒嚴霜昨夜降林間葉聲乾爾羊忽來思晨夕供飽餐牧童有餘情坐看丹楓丹

桑老而枯或中空葉黃蠶不食先剔其皮可以爲紙吾鄉所出桑皮紙是也然後伐其木爲器

用

吾鄉有赫蹏狀似魚網爲問工何所成云是枯桑皮其理綿且厚炸油避雨宜剔之以爲紙桑者所當知

兼種柘

柘亦可以飼蠶繭色黃

同禮命野虞春禁伐桑柘食蠶吐繭黃絲成待善賈所



願利三倍歲孰多婚嫁何以勸農桑勞酒同飲蜡

飼蠶十二詠并序

襄之民果從余種桑矣三年而桑茂十年而桑大茂而余又慮飼蠶之未善也附飼蠶法按蠶經蠶之性喜靜而惡喧故宜靜室喜煖而惡濕故宜板室室靜可避人聲之喧鬧室板可避地氣之蒸鬱尤宜密以避風火以助煖又蠶書飼蠶弗以雨露濕葉禮祭義三宮夫人桑於公桑風戾以食之是也淮南子曰蠶食而不飲二十七日而化夫竭二十七日之力而得繭何其工之省且易乎蠶具以箔以蔴竹葦所為聞襄之事蠶者以席置諸地厥其屋不加火宜咎蠶之內自訟齋詩鈔卷二

內自訟齋詩鈔卷二

五

迎貓

蠶忌鼠迎貓以辟之陸游詩曰裹鹽迎得小狸奴

元宵鬧燈火蠶孃作糜粥將蠶先逐鼠背人載拜祝歲記正月十五日作粥登屋上食之咒曰登高糜裏鹽聘我屋狸奴欲來不來待我三蠶老蓋為蠶逐鼠也狸奴加以筆一束杭俗聘蠶加筆爾鼠雖有牙不敢穿

浴蠶

清明取蠶子以桑柴灰水澄清微溫輕拂之用厚綿絮包暖置綿被中數日即生欲速置人懷鼓笛喧神祠戶戶祈蠶畢溪女各分種昨過寒食節厚絮密密包灰水但輕拂桑芽小於錢乍看纖手擷

初眠

俗名頭眠蠶初生蠕蠕若蟻采桑極嫩葉剪細飼之四日頭微白不食退皮為頭眠

今日天氣和蠕蠕動蠶子知是第一眠薄薄鋪繭紙風從東方來小姑色先喜漢書天文志正月上剪桑細飼之四日頭已起

內自訟齋詩鈔卷二

六

二眠

自初生七日二眠又不食將退皮如頭眠狀凡蠶四日一眠眠一次蠶大一次

春寒忍顏色不復畫蛾眉二眠蠶欲起攀桑折柔枝所願桑葉多令我蠶不飢且緩賀箱籠御調詩春蠶未成曷先具筐槌梅堯臣蠶槌詩三月

三眠

最宜著意飼葉者當晝夜無間采桑復采柘曉夜來相從女論語看蠶煮吳蠶已三眠膏沐難為容不惜妾勞苦但愁雨與風殷勤課諸女念彼號寒蟲